

Kukkunersiuisut naalagaaffimmit akuerisat aamma nalunaarsorneqarsimasut qularnaveeqqusiisarnerat akisussaanermullu sillimmasiisarnerat pillugit Kalaallit Nunaannut nalunaarut

Kukkunersiuisut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut nr. 623-kkut 23. juni 2008-meersukkut atortuulersinneqartumi, § 3, imm. 2 tak. imm. 1, nr. 6, naapertorlugu aalajangersarneqarpoq:

Qularnaveeqqusiisarneq

§ 1. Kukkunersiuisoq naalagaaffimmit akuerisatut imaluunniit nalunaarsorneqartutut ivertinneqarsinnaassappat piumasaqaataavoq inummit pingatsiuttumit (qularnaveeqqusiisuusoq) nalunaaruteqartoqassasoq (qularnaveeqqusiissut) pineqartup nammineq akiligassallittut akisussaaffigalugit akilissagai aningaasatigut piumasaqaatit, kukkunersiuisut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut atortuulersinneqartumi, § 1, imm. 2 naapertorlugu suliaassanik suliaqarnerup malitsigisaanik piumasaqaataasinnaasut.

Imm. 2. Qularnaveeqqusiissut tunniunneqassaaq Erhvervs- og Selskabsstyrelsimi aalajangersarneqartutut iluseqartillugu.

Imm. 3. Qularnaveeqqusiissut Erhvervs- og Selskabsstyrelsimi nalunaarsorneqassaaq.

§ 2. Qularnaveeqqusiissutip imarisani naapertorlugu qularnaveeqqusertittoq qularnaveeqqusiisumut toqqaannartumik piumasaqarsinnaatippaa aamma killilersuutit nalunaarut una naapertorlugu akuerisat saniasigut killilersuutitaqartinneqassanngilaq.

§ 3. Qularnaveeqqusiissutip matussusissavai piumasaqaatit, pissutsinut § 1, imm. 1-imi pineqartunut tunngasut, ullormiit qularnaveeqqusiissutip atortuulerfianiit atorunnaarnissaatalu tungaanut (qularnaveeqqusiissutip atuunnera) saqqummiunneqartut.

Imm. 2. Qularnaveeqqusiissut aatsaat atorunnaarsinneqarsinnaavoq atorunnaarsitsinerup Erhvervs- og Selskabsstyrelsimi nalunaarsorneqarneratigut. Nalunaarsuisoqassaaq qularnaveeqqusiisuusup noqqaassuteqarneratigut ulloq aalajangersimasoq, noqqaassutip Erhvervsog Selskabsstyrelsimi tiguneqarneraniit qaammammiit ataatsimiit siusinnerusukkut atuutilersinnaanngitsoq, aallarnerfigalugu sunniteqartussamik. Qularnaveeqqusiisuusulli piumasarisinnaavaa qularnaveeqqusiissut noqqaassutip

Erhvervs- og Selskabsstyrelsimi tiguneqarnerata aqaguani atorunnaarsinneqassasoq, noqqaassut kukkunersuiisup naalagaaffimmit akuerisap aamma nalunaarsorneqarsimasup peqquserluuteqarsimaneraniq pissuteqarpat.

Imm. 3. Imm. 2 naapertorlugu nalunaarsuinissamik noqqaassut Erhvervs- og Selskabsstyrelsimi aalajangersarneqartutut ilusilerlugu tunniunneqassaaq.

§ 4. Qularnaveeqqusiissut aningaasat tungaasigut killilerneqarsinnaavoq imaalillugu, piumasaqaatit tamarmiusut qularnaveeqqusiissutit atuunnerani ukiunut ataasiakkaanut tamanut tunngasut aningaasanik aalajangersimasunik, kukkunersuiisumut naalagaaffimmit akuerisamut imaluunniit nalunaarsorneqarsimasumut ataatsimut minnerpaamik 500.000 koruuniusussanik, taamaallaat matussuserneqartussanngorlugit.

Imm. 2. Imm. 1-imi aningaasanut killissarititaq millisinneqassanngilaq, naak qularnaveeqqusiissuteqartoqaraluartoq ukiumiit ataatsimiit sivikinnerusumik.

§ 5. Qularnaveeqqusiissut piffissap tungaatigut killilerneqarsinnaavoq imaalillugu, taamaallaat matussuserneqartussanngorlugit piumasaqaatit, suliaasap imaluunniit pissutsip piumasaqaateqarnermut aallaaviisup naammassineqarneraniit kingusinnerpaamik ukiut tallimat qaangiunneranni qularnaveeqqusiisusumut piumasaqaatigineqartut.

Imm. 2. Piffissarititaq imm. 1-imiittoq qularnaveeqquserneqartup kukkunersuiisumik eqqartuussisutigoortitsineratigut atorunnaarsinneqassaaq, matumunnga ilanngullugu maalaarummik disciplinærnævni (Kukkunersuiisoqatigiit aalajangiisartut), kukkunersuiisut naalagaaffimmit akuerisat aamma nalunaarsukkat pillugit maalaarutiniq kukkunersuiisut naalagaaffimmit akuerisat aamma nalunaarsukkat pillugit inatsit Kalaallit Nunaannut kunngip peqqussutaatigut atortuulersinneqartoq naapertorlugu suliaqartartunut, tunniussaqaarnermi.

§ 6. Qularnaveeqqusiissut akisussaatinneqarnissamut sillimmasiisummut § 8-mi taaneqartumut naleqqiullugu killilerneqarsinnaavoq, taamaalluni piumasaqaatit qularnaveeqqusiisummit matussuserneqassanatik, akisussaatinneqarnissamut sillimmasiissutitigut matussusiinnginneq taassumap aningaasatigut killiliineraniq taamaallaat pissuteqarpat.

§ 7. Qularnaveeqqusiisusooq sillimmasiisarfiussaaq, aningaaseriviusaaq imaluunniit aningaaseriveqarfiussaaq alla, qularnaveeqqusiissutai taamatulli qularnaveeqqusiisinaassusillit.

Imm. 2. Qularnaveeqqusiissut annertussusissaat inatsit Kalaallit Nunaanni atuuttut malillugit naleqqussaavigineqassapput. Qularnaveeqqusiissutit pillugit eqqartuussivikkut suliaasiissutit Kalaallit Nunaata Eqqartuussisuuneqarfani suliaasiissutigineqassapput.

Imm. 3. Taamaattoq kukkunersuiisunut ataasiakkaanut qularnaveeqqusiissutit aaqqiissutit ataatsimoorussatut kukkunersuiisut arlallit peqataaffigisaattut pilersinneqarsimappata qularnaveeqqusiisusooq aningaasaateqarfiinnaavoq namminersortoq imaluunniit peqatigiiffiusinnaavoq. Piumasaqaataavorli aningaasaateqarfiup imaluunniit peqatigiiffiup neriorsuutaa imatut saqqumitigissasoq imm. 1-itulli ittumik qaqugukkulluunniit qularnaveeqqusiissuteqartoqarsimasoqarluni. Tamatumanga Erhvervs- og Selskabsstyrelsi naliliisuussaaq.

Akisussaatinneqarnissamut sillimmasiineq

§ 8. Kukkunersiuisoq naalagaaffimmit akuerisatut imaluunniit nalunaarsorneqarsimasutut ivertinneqassappat piumasaqaataavoq sillimmasiisarfirmiit nalunaarutigineqarsimassasoq kukkunersiuisartooq pineqartoq akisussaatinneqarnissamut sillimmateqartoq aamma taarsiisussatut akisussaaneq, kukkunersiuisup naalagaaffimmit akuerisap imaluunniit kukkunersiuisup nalunaarsukkap nammineerluni imaluunniit allap, kukkunersiuisut naalagaaffimmit akuerisat aamma nalunaarsorneqarsimasut pillugit inatsimmi, Kalaallit Nunaannut kunngip peqqussutaatigut atortuulersinneqartumi, § 1, imm. 2 malillugu suliaqarneranut atatillugu kukkunersiuisup akisussaaffigisaata, mianersuaalliorluni iliuuseqarneranut sillimmasiisarfik ajoquserneqartumut akisussaasuusoq.

Imm. 2. Sullivinni, tak. kukkunersiuisut naalagaaffimmit akuerisat aamma nalunaarsorneqarsimasut pillugit inatsimmi Kalaallit Nunaannut kunngip peqqussutaatigut atortuulersinneqartumi § 12, imm. 1 aamma 8, qulinik amerlanernilluunniit kukkunersiuisunik naalagaaffimmit akuerisanik imaluunniit nalunaarsorneqarsimasunik sulisulinni akisussaatinneqarnissamut sillimmasiissutit imm. 1 naapertolugu ukiut qularnaveeqqusiiffiusut tamaasa minnerpaamik 20 mio. koruuninik ataatsimut matussusiissutaasussanik aningaasartaqassapput.

Imm. 3. Sullivinni kukkunersiuisunik naalagaaffimmit akuerisanik imaluunniit nalunaarsorneqarsimasunik qulit ataallugit sulisulinni akisussaatinneqarnissamut sillimmasiissutit matussusiissutaasussamik aningaasartaqassapput ukiut qularnaveeqqusiiffiusut tamaasa minnerpaamik 2 mio. koruunit kukkunersiuisut naalagaaffimmit akuerisat nalunaarsukkallu sullivimmi tassani sulisut katillugit amerlassusaannik ganngerlugit, taamaattoq tak. imm. 4.

Imm. 4. Sullivinni kukkunersiuisunik naalagaaffimmit akuerisanik imaluunniit nalunaarsorneqarsimasunik arfinillit ataallugit sulisulinni imm. 1 naapertorlugu akisussaatinneqarnissamut sillimmasiisoqarsinnaavoq aningaasartai matussusiissutaasussat ganngernagit, kukkunersiuisartumullu naalagaaffimmit akuerisamut imaluunniit nalunaarsukkamut ataatsimut ukiut qularnaveeqqusiiffiusut tamaasa minnerpaamik 2. mio. koruuninik matussusiissutaasussamik aningaasartalinnik. Aningaasat matussusiissutaasussat taakku sillimmasiisarfiup ajoqusernermut ataatsimut qaffasinnerpaatut akiligassarai, kukkunersiuisartooq naalagaaffimmit akuerisaq imaluunniit nalunaarsugaq ataaseq arlallilluunniit ajoqusernermut pineqartumut taarsiisussatut akisussaagaluarpataluunniit.

Imm. 5. Nalunaaruteqartoqassaaq Erhvervs- og Selskabsstyrelsimi aalajangersarneqartutut iluseqartillugu.

Imm. 6. Nalunaarut Erhvervs- og Selskabsstyrelsimi nalunaarsorneqassaaq.

§ 9. Kukkunersiuisunut ataasiakkaanut § 8, imm. 1 naapertorlugu akisussaatinneqarnissamut sillimmasiissutit ataatsimoorussamik aaqqiissutaappata, kukkunersiuisarfiit arlallit kukkunersiuisartullu qulingiluanit amerlanerusut peqataaffigisaat, akisussaatinneqarnissamut sillimmasiissutit ukiumut sillimasiiffiusumut minnerpaamik 20. mio. koruuninik matussusiissutaasussamik aningaasartaqassapput. Ataatsimoorussamik akisussaatinneqarnissamut sillimmasiissuteqartoqarluni aaqqiissuteqartoqassappat piumasaqaataavoq, sillimmasiissutit aningaasartai ukiumi sillimasiiffiusumi ajoqusernerup ataatsip

arlallilluunniit kingunerisaanik nungussappata atuutilersitseqqinnissaannut matussusiineq sillimmasiissutitut ilaassasoq (policedækket reinstatement).

§ 10. Ajoqusersimasumut tunngatillugu akisussaatinneqarnissamut sillimmasiissutit aatsaat unitsinneqarsinnaapput Erhvervs- og Selskabsstyrelsimut tamatuminnga nalunaarsuisitsinikkut. Nalunaarsortinneq sillimmasiisarfiup noqqaassuteqarneratigut pissaaq atuuttussanngorlugu ullormiit aalajangersimasumiit, noqqaassutip Erhvervs- og Selskabsstyrelsimi tiguneqarneraniit qaammammiit ataatsimiit siusinnerusinnaanngitsumiit.
Imm. 2. Imm. 1 malillugu nalunaarsuinissamik noqqaassuteqartoqassaaq Erhvervs- og Selskabsstyrelsimi aalajangersarneqartutut iluseqartillugu.

§ 11. Sillimmasiisarfik Kalaallit Nunaanni Danmarkimiluunniit najugaqarfeqassaaq imaluunniit Kalaallit Nunaanni Danmarkimiluunniit sillimmasiisarfimmik ingerlataqassaaq immikkoortortaarfik, Kalaallit Nunaanni Danmarkimiluunniit pilersinneqarsimasooq, aqutigalugu.
Imm. 2. Sillimmasiissutit annertussusissaat inatsisit Kalaallit Nunaanni atuuttut malillugit naleqqussarneqassapput.

Atortuulersitsineq il.il.

§ 12. Nalunaarut atortuulissaaq ulloq 1. august 2008.
Imm. 2. Kukkunersiuisut naalagaaffimmit akuerisat aamma nalunaarsorneqarsimasut qularnaveeqqusiisarnarat pillugu nalunaarut nr. 767, 22. august 1994-imeersoq naapertorlugu aningaasatigut piumasaqaatinut sillimmasiineq (akisussaaneq aamma qularnaveeqqut) atuutiinnassaaq ulloq atorunnaarfiussaaq sillimmasiinissamik isumaqatigiisummi isumaqatigiissutigineqarsimasooq tikillugu, sivisunerpaamilli ulloq 1. august 2009-p tungaanut.

Erhvervs- og Selskabsstyrelsi, ulloq 28. juli 2008

OLE BLÖNDAL

/ Grethe Krogh Jensen

Namminersorlutik Oqartussat
Imaneq 4
3900 Nuuk
E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit
Namminersorlutik Oqartussat inatsisinut toqqorsiviat
Naalakkersuisut